

撰文：阮淑賢  
攝影：梁梓持，部分相片由被訪者提供  
設計：陳永安



上星期六，黃國堯穿了紅衣，帶領他的教徒，走出教會，遊行撐同志。他不諱言，有些男同志比女人更八婆。整天跟同志在一起，可有人懷疑你都是member？「有，但我係偏直，由細到大鍾意女人。」

# 牧師 出櫃 鳥

上星期六，5千2百人拿着彩虹旗幟，不論直定孬，齊齊上街撐平權，支持大愛。牧師黃國堯也在當中，舉起「神愛同志」的標語遊行。這個跟同志風雨同路的牧師，8年前因為撐同志，不但被教會炒魷，還成了傳統教會的公敵；教友罵他是叛徒，連兒子都不認同他。同志未 come out，他早就 come out 了。

為爭取平權，他跟黃耀明、何秀蘭等走得最近。



由宣道會到基恩之家，太太一直支持他，那天遊行也陪伴左右。

**黃**國堯表示，近年社會對平權的聲音大了，當變性人W小姐可合法結婚，向來反對同性戀的基督教教會都軟化，想跟他「friend」番。

「他們想我做中間人，向同志表示關愛，連蔡志森（明光社總幹事，有道德塔利班之稱）都派片俾我。」

今年7月，教會團體簽署《真愛同行牧養約章》，強調以後要以愛心接納同志，那同志教徒領聖餐是否指日可待？「肯定唔得！就算俾你『柄』埋一邊，洗禮唱詩領聖餐都唔使諗。以前唔歡迎你（同志），依家柏拉圖式同性戀ok，親密關係就no way，這條底線他們一定唔可以過。」

「教會圍內點做都得，但對外唔可以唔平等。表示關愛，其實是想說服你唔好搞咁多，但又做多咗變得作狀，像姚煒和趙式芝，又話好錫個女但又唔贊成佢做同志和結婚，好矛盾但又present到接納你。」



年初反對平權立法的基督教團體，搞了一個「愛家共融祈禱音樂會」，姚煒是信徒，明言反對同志女兒趙式芝結婚。

他說現今

好多基督徒好爛。「有吳宗文、林以諾咁爛嘅牧師，就有爛嘅基督徒。一頭鬧同志（去年林牧師曾說同志的罪等同殺人吸毒），一頭又邀請蘇施黃、陳志雲做演講嘉賓。今日講一句，聽日又講另一句，仲叻過梁振英。」

講到底你認為耶穌點睇同性戀？

「奧林匹克的男像都是裸體，我相信耶穌當年見過同志，但聖經無講耶穌責難他們，神愛世人，耶穌應該是體諒和包容。就算羅馬書寫『男和男不可行羞恥的事』（羅馬書1:27），都是指廟妓不可以公開性行為，不是形容同性相愛關係。」

## 反叛有理

他跟教會恩怨，源於05年明光社總幹事蔡志森以「維護家庭聯盟」名義，鋪天蓋地登廣告，反對性傾向歧視

轉下頁 >>



他說，以往傳統教會迫得同志太緊。「你要佢禁慾，根本無可能，佢頂唔順都係會離開教會。」你認為同性戀是先天多過後天，那麼同性戀是上帝安排嗎？「我相信性傾向是自然一部分。」

兩個兒子都長大成人，大仔返傳統教會跟他信念不一，細仔較少參與宗教活動，但兩子都有出席他在基恩的就職活動。



為讓人更了解同志教徒的苦處，他跟基恩之家出書《我們彎著返教會》，還找了周一嶽寫序。

我們彎著返教會



基恩之家跟一般教會最大分別是其教會女多男少，這裏剛好反，9成是男性。

立法。當時仍在觀塘宣道會當牧師的黃，純粹睇唔過眼，登報撰文鬧爆對方扮衛道之士，結果他被教會炒魷。「我都估到教會會有聲音，但無諗過會被炒。」

今年50多歲的黃國堯，其實「出櫃」「造反」，早有前科。

觀塘雞寮長大，見黑社會紋身，自己又紋007。全家都拜神，他中六跑去信主。爸爸想他繼承製衣生意，他預科畢業後讀神學，同年結婚，育兩子。

95年在宣道會當牧師，教會從來彈琴唱聖詩，他提議彈結他唱民歌；聖經說「女人不可以講道」，但他認為男教友講嘢一嚟嚟，叫女信徒上台講道。

牧師多清高，他卻鍾意睇電影，還要上網寫影評，教會屢勸也不改；同志爭平權，他撰文還拖明光社，終於反出禍。「當年得我一個面對成個宗教，好多教友話我是叛徒。」

由信教到做牧師，他在教會足足30年，最慘是連大仔也不撐他。「他返傳統教會，不認同同性性行為，兩父子講同性戀話題，惟有點到即止。」幸好太太一直支持他，還不至於眾叛親離。

## 同志無罪

他之後的路，倒有點像逼上梁山。因被整個傳統

教會杯葛，有好幾年閒着，到愛滋病基金會的團契講道，多了認識同性戀。「有同志被教會知係member，就要參加拗直療程，輕則查經祈禱禁慾，重則沖凍水涼和搽大牌。」試過有同志在教會做琴師，被揭穿身份後即被停止職務，明明已受浸，也不被承認是基督徒。

原來對同志零概念的他，那時才真正知道他們的苦況。跟同志愈走愈近，2010年到基恩之家當牧師，教會內9成5教徒是同性戀者或跨性別人士。「起初想了解同性戀多啲，跟他們一起望男仔。」同志間的眉來眼去，身為直人的他好難接受。「望望下都要出去啱下氣，望下女仔。」記者上周日去基恩上主日崇拜，成了異類的我也渾身不自在。

至今共有16個國家設有同性婚姻制度，今年遊行連平機會主席周一嶽也出來撐。「我對平權樂觀，應該數年內可通過。」黃國堯說。

同性婚姻再推演下去，是領養或生小孩，涉及多一條生命。你認為在同志家庭生活的小孩，對其性傾向或成長不會有影響嗎？「小朋友成長最緊要有愛心，唔關係咪同性父母。我信同性戀是先天多過後天，係就自然會係，我識好多6歲已知自己係。」

平權是需要的，至少不因斷背而被雪藏；該去到哪個層面，值得大家深思和討論。 ▽

他的「007」紋身，經年月洗禮得番褪影。